

倦知樓詩

張培挺



挺

余弱冠東渡始識同鄉林西園未知其能詩也迨學畢  
返國同主法校講席過從遂密乃稍稍談及之且詔余  
甚殷故有作必就商時西園創說詩社約余與余以淺  
學辭未幾西園卒余以請益無人始由周仲平介謁石  
遺先生請受業自是常與社人往來每社集必出稿傳  
觀非酒肴上席不去也先生於余詩多直言可則曰此  
詩佳當錄爲我編詩話否則曰比事忙乎何鬆懈若是  
也此十餘年中先生不以尋常待人者待余可感也蘆  
溝變起先生亦歸道山社事遂廢余往客永安者六年

亂離中所得較多返里後常與壺社同人唱和然余已垂垂老矣近有人勸余刻詩余以生平讀書少又困俗累未獲出游名山大川增廣胸次故所作平淡淺易不足以問世然詩者言也言發於心詩隨乎境人各有其境詩必求其真余之刻此詩不過欲存余之真面目已耳豈計其工不工哉丁亥九月黃祖漢

倦知樓詩稿曾經余閱者十有六七自同處說詩社及  
財廳君有作必先示余余道佳處則眉揚口開如有所  
得否則蹙然甚身之病必一再改愜而後已間不得見  
面亦遣僕遞稿僕久立門外候評點受稿乃還迨省府  
播遷君隨永安旋不樂歸莆陽斷消息數稔今春以事  
來會城手鈔前後作裒然一帙屬余定去留以見君心  
益虛而信余益篤也余何敢不以誠告大抵君詩思幽  
而志潔思幽故詩流於滑志潔故不落於俗尋常景物  
皆饒興趣詩人之詩也平生揣摩南北宋諸家尤得力

鄉先正后村世人未必知君當自知也全稿約存三之二雖不敢謂盡愜於今之人當亦不背於古之作文字知交彼此老矣安得起石遺吾師山與吾友而一問之丙戌五月閩侯張葆達序

倦知樓詩

莆田黃祖漢仲良

東渡抵長崎小憩第一樓

斷髮登此樓身歷疑在夢絕裾萬里行慈親徹骨痛念  
此不忍食當食還一慟遠山低欲無近海波未凍明日  
東京東電車深夜送誓將勤所學光陰莫虛弄徙倚林  
燈明肝腸惟汝洞

西京車中望富士山

此山大似故鄉山

狀與吾蕭壺  
公山相似

收入車窗當畫看怪底科

作 集 卷 一  
頭倚天外一冬戴雪不知寒

富士火山  
不生草木

### 淺草公園看櫻花

櫻花簇簇望如雲一片鶯聲十里聞縱獻一花祈一子

如來難庇萬紅裙

園有古刹花時日女多着紅裙  
獻花禮佛以祈子日無慮千百

骨格元難擬老梅不居水次不山隈胡兒別有催花術

笳鼓笙歌動地來

園側戲院遊藝館終  
日鼓吹諸聲並作

### 聞林磊芝入壺社賦寄

築廬鄰湖西當戶羅羣木市聲喧朝墟書聲出小屋心  
定了無礙知君方酣讀我亦喜索句析疑來剝啄晤談

歡有餘一醉破幽獨世人羨鴻軒吾曹安蟄伏賦詩分  
內事相將鳴出谷

寄陳愛吾

湖海飄零幾暑寒神州劫後忍重看十年爭戰終蝸角  
萬事浮沉直鼠肝置酒且傾端午節寄詩聊續故山歡  
駭機滿地君知否何獨吾儕著腳難

鳳凰山古蹟雜詠

石咽寒泉倚檻聽小吟未就酒初醒詩腸不與佛腸異

渣滓清時見性靈

佛腸坑 在廣化寺東舊志  
稱開山僧吐腸洗此故名

曇花忽現暮山蒼鐘鼓聲中認上方真箇禪牀能借得

人間一睡萬滄桑

羅漢峯舊志稱有僧薄暮過此見樓閣層出鐘鼓鏗然榜曰羅漢院入宿旦失所在因以名峯

一花一畫俱陳迹院老無僧雲擁門色相不留真解脫

三千世界佛稱尊

月峯院有辛夷最古壁間有陳伯獻畫達摩像今皆不見

青青塚草覓殘碑鳥噪僧歸日暮時南下君臣同一死

名山有幸葬蛾眉

宮人斜距廣化寺里許相傳宋宮人隨帝昺南下歿者葬此

同陳友漁張左如陳翼才夜飲湖上

湖上覓吟壇人稀夜向闌月籠千樹白舟載一燈寒對

酒無清濁論詩別柳韓

席間翼才謂某詩近柳某詩近韓

從知文字飲草草

有餘歡

太平道中遇雨

應是山中雨更多雷奔電掣助滂沱  
百條澗水初懸瀑十里溪聲若放歌  
衣溼暫尋簷下立雲低時掠樹梢過  
投村一宿寧非趣奈此燈昏酒薄何

西園招飲山與樓

晨觀東海旭捧鏡初出浴夕望西山暉排闥  
遂萬綠南壺與北華嵐翠皆可掬園樹幽且  
深山城長而曲樓高未百尺一一恣瞻矚  
主人何風雅問舍還絕俗

君近有問  
舍人多世

可知之句

客來詩爲招甘泉試苦菊咄嗟辦尊鱸小飲歡意足還山作詩人此計吾亦熟坐久秋懷生涼風起修竹

壺社同人集泗華書院

出城兩三里滿耳水聲喧溪遶疑無路林深欲隱村臥看天際鳥醉打上方門覽景誰先去詩成山色昏

送藍少鏗入都

痛飲林園忘主賓今年社事與秋新一官遂奪千詩趣寒鳥殘蟬似慙人

衣食驅人總可羞秋來分手思悠悠中年各有風霜感

君向皇州我福州

奉和佛心師並以送別

黃菊開東籬不爲西風瘦  
難得紅芙蓉豔妝與之鬥  
及時兩名花點綴秋不陋  
秋花看不厭師詩有秋花看  
後一思家句告歸毋  
乃驟倦鳥思故林微霜正滿岫

湖上待友人不至

驅車出湖上十里淨無煙  
秋氣催人老鐘聲報月圓  
一杯消永夜萬事讓青年  
珍重詩壇約歸來霜滿天

次韻磊芝病中見寄

孰向中原解亂絲東樓高臥欲無知偷閒長日惟看菊  
却病良方是賦詩萬木凋零山瘦盡片雲掩映月明遲

人間何世君休問一部南華且自持

君近有一部南華是我師之句

題友漁樓隱村圖

故鄉有箕穎樓隱待何人地極溪山勝君猶奔走身深  
潭收瀑布老樹起龍鱗一幅丹青裏他年許結鄰

寄蕭豔公

慣看老柏凌霜雪不信沙鷗入網羅萬事只應詩膽大  
一生惟望酒錢多門棋世已同危局叩角吾猶恥浩歌

歲晚懷人還自惜中年禿髮老如何

苦寒

池魚病不遊樹鳥鳴亦咽杯茶濃無烟霜瓦厚欲裂北  
風無世情意欲萬物滅世人誰耐此卓哉青松節投床  
狂讀詩五內起微熱

寒夜聞桔槔聲

一詩對一燈四顧天地黑何來桔槔聲夜半動孤客農  
夫不辭苦獨與霜風敵風砭骨骼痛霜壓鬢髮白辛勤  
畜妻子妻子還菜色天狗墜地來百刼且相逼咿啞不

忍聞中有萬淚滴

雨中小樓獨坐

荒園涉後餘疎木隙地分來種好花詩意何如雲意逸

雨聲漸挾確聲譁

樓北時聞確聲

行裝未辦春先去

時擬赴福州

社事重

提興已賒

社友約續集小鵝湖

慰我寂寥無別物青山弄影入窗斜

題趙十五竹木圖

蘇跋云荒村居獨與孤木疏篁相對春深如有阿曾因潑墨寫此寄贈阿太社兄

當春寫竹木人畫兩絕俗看君一幅圖定君終身局

六月十九日遊鼓山夜宿東際樓

十年未遂登臨願今日拏舟載酒來盤磴人行深樹裏

高樓鐘打斷雲隈上方清淨僧偏俗題句縱橫石有災  
夜半起看林杪月似嫌孤客尙塵埃

夏日還鄉寄西園福州

縱酒狂歌只益悲排除萬事欲無知縮身未覺蝸廬小  
糊口休嫌雞肋糜文字論交偏到我雲山有約恐非時

吳園蓮草

皆魚名

江園荔消夏新添多少詩

豔公病後寄詩次韻答之

二豎年年苦一遭如君戰勝亦神勞靜中閱世人將老

病裏能詩氣已豪煑藥應思蓮社酒

壺社社集君病未能到

避秦那

有武陵桃丈夫奇窘尋常事且趁秋宵看月高

哭西園

扶桑初識君相顧皆年少及今二十年晨夕親言笑如  
何竟棄予一病遂難療燈昏山雨寒花落園鳥叫人生  
有聚散此散寧及料

冬松比其堅秋月比其淨十年長議席一一軌於正大  
難軒冕身而有山林性眺吟亦有道岑寂不爲病世人  
能似君萬事可無競

平生重有愧文字深相知有作必就商啓發恆入微我